

ಪೇತ್ರನು ಬರೆದ ಎರಡನೆಯ ಪತ್ರಿಕೆ ಪೇತ್ರನೇ ಲೀಖ್ಯೋತೆ ಬೇನಿ ಚಿಟ್ಟಿ ಮಾಲುಮ್ ಕರಾನು

ಪೇತ್ರನೇ ಲೀಖ್ಯೋತೆ ಬೇನು ಚಿಟ್ಟಿ ಪೇತ್ರನೇಸ್ ಲೀಖಿರಾಖ್ಯೋಸ್ಕರಿ ಆ ಚಿಟ್ಟಿ ವತಾಳಿದೇಸ್. ಕತೋಬಿ ಘಣೇಧಿ ಲೀಖಾಪಟ್ ಕರವಾಳು ಹಮ್ಮೇಬಿ ಜಿನು ಆಹೈರುತೆ ಖಾಚುಕರಿ ಮಾನಿಲೇಸ್ ಕೊಯ್ನಿ. ಪೇತ್ರ ಭಣಿಧುಬಿ ಕೋಣ್ಣಿ ಏಕ್‌ಘಣು ಆ ಚಿಟ್ಟಿನ ಲೀಖಿರಾಖನು ದೇಖಾವಸ್. ಲೀಖವಾಳನೆ ಯೇಸುನ ಜಿವ್ಣನ ಅಜ್ಜು ಬರೋಬರ್‌ಧಿ ಬದ್ಲಾವ್ ಹುವಾನ ಮೆ ಡೋಳಿಮ್ಮ ದೇಖಿನ್ ಸಾಕ್ಷಿ ಹುಯಿರ್ದೊಸ್ಕರಿ ಬೋಲಸ್. 1:17-18 ಏಕ್ ವೇಳ್ ಪೇತ್ರನೇ ಆ ಚಿಟ್ಟಿ ಲೀಖಿರಾಖಸ್ಸು ಉಷೇತೊ ಇನೆ ರೋಮ್ ಖ್ವಿಯೇರಮ ರ್ಡ್ವಿನ್ ಲೀಖಿರಾಖ್ಯೋಸ್ ಅಜ್ಜು ಆ ಚಿಟ್ಟಿ ಕ್ರಿಸ್ತನ ಪೈದಾಖ್ವನ ವಾರ್ 65 ಥು 69 ನು ವರಖ್ವನ ಬೀಚ್ಚಿ ಲಿಖ್ಪಿರ್ದೊಸ್. ಯೊ ಇನ ಮರಾನ ಪಹಿಲೆ ಪೇತ್ರ ಜಿನು ಆ ಮೇ ಲಿಖಾನು ಬೇನು ಚಿಟ್ಟಿಕರಿ ಬೋಲಸ್. 3:1 ಅಮ್ ಆ ಚಿಟ್ಟಿ ಲೀಖಿರಾಖ್ಯೊಸ್ತೆ ದನ್ನಿಗಣ್ಣಿ ಪೇತ್ರನೇ ಲಿಖ್ಯೋತೆ ಪಹಿಲಿ ಚಿಟ್ಟಿನ ವಾರ್ ಮಳಾವಸ್. ಆ ಚಿಟ್ಟಿ ಇನೆ ಅಖ್ವಾ ಕ್ರಿಸ್ತ ವಿಶ್ವಾಸಿವ್‌ನ ಮಳ್ಳೆನ್ ಲೀಖಿರಾಖ್ಯೋಸ್.

ಪೇತ್ರನೇ ವಿಶ್ವಾಸಿಯೇವ್ನ ಅಟ್ಟು ಜಿವ್ಣು ಜಿವಾನ ಹುಮ್ಮಖ್ವ ದ್ಯಾವನಖ್ವಾಜೆ ಅಜ್ಜು ಇವ್ಣುನ ಝೂಟ ಬೋಧಕರ್ನ್ ಮಾರಗಮ ನಾಚಾಲ್ವುಕರಿ ರ್ಪೇತಾವನಖ್ವಾಜೆ ಆ ಚಿಟ್ಟಿ ಲೀಖ್ಯೊ 2 ನು ಅಧ್ಯಾಯ. ಇನೆ ಯೇಸು ಪಾಲ್ಟು ಆವಾನ ಜಾಖ್ವತ್ ವಖ್ವತ್ ಲೀರಾಖ್ಯೋಸ್ ಕರಿ ಬೋಲಸ್ತೆ ಅದ್ವಿಭಣಿ ಧ್ಯಾನ್ ನಕೊದೇವೊ ಕರಿ ಇವ್ಣುನ ಹುಮ್ಮಖ್ವದಿದೊ. ಅನಬದಲ್ ದೇವ್ ಧೇರಮ ಕೊಯ್ನಿ ಕತೋಬಿ ಹರೇಕ್ ಘಣು ಬರ್ಚಣುಕರಿ ಬೋಲಾನುಸ್ ದೇವ್ ಹೋಣುತೆ ಕರಿ

ವಿಚಾರ್ಸ್ ಪಾಡಿ ಧರ್ಮ್ಯ 2 ಪೇತ್ರ 3:8-9 ಅನಖ್ವಾಜಿ ಏಕ್ ಅಲ್ಪು
ಜಿವ್ವು ಜಿವ್ವುಪಡಾಸ್ 3:14

ಕಾಡಿದೇಖೊ

1. ಪೇತ್ರನೆ ಇನ ಮಾಲುಮ್ ಕರಾಯೊ ಅಜ್ಜು ಇನು ಪಥವಾಳು
ಕೋಣ್ಕರಿ ವತಾಳಸ್. 1:1-2
2. ಇನಕೇಡೆಡು ಇನೆ ದೇವ್ವೆ ಅಪ್ಪುನ ದೀರಾಖ್ಯೋತೆ ಇಮ್ ಅಲ್ಪು
ಜಿವ್ವುಮ ಜಿವ್ವುಕರಿ ಯಾದ್ಕರಾವಸ್. 1:3-21
3. ಇನಕೇಡೆಡು ಯೊ ಝೂಟ ಭೋದಕರ್ಮ್ ಬಾರೇಮ
ಯೇತಾವಸ್ ಅಜ್ಜು ಖರ್ತಿಮ ಝೂಟ ಭೋದಕರ್ಮ್ ಶಾತ್
ಉಪ್ಪೆಕರಿ ಬೋಲಾನು ಬೋಲಸ್. 2:1-22
4. ಇನಕೇಡೆಡು ಯೊ ಯೇಸುನಿ ಬೇನು ಆವಾನಿ ತಯಾರಿನಖ್ವಾಜಿ
ವಿಶ್ವಾಸಿಖ್ವಾರು ಅಲ್ಪು ಜಿವ್ವು ಜಿವ್ವುಕರಿ ಹುಮ್ಮಖ್ವ್
ದೇತೊಹುಯಿನ್ ಚಿಟ್ಟಿನ ಖ್ವತಮ್ ಕರಸ್. 3:1-17

ಖ್ವಲಾಮ್ ಖ್ವಾರು

¹ ಯೇಸು ಕ್ರಿಸ್ತನೊ ಸೇವಕ್ ಅಜ್ಜು ಅಪೊಸ್ತಲ ಹುಯಿರ್ದೋತೆ
ಸೀಮೋನ್ ಪೇತ್ರ, ಅಪೊದೇವ್ ಅಜ್ಜು ರಕ್ಷಕ್ ಹುಯಿರ್ದೋತೆ ಯೇಸು
ಕ್ರಿಸ್ತನಿ ನೀತಿಧಿ ಹಮಾರಿನಿತರಸ್ ಅಲ್ಪಿ ವಿಶ್ವಾಸ್ ಮಳಿರ್ದೋಸ್ತೆ ಇವ್ವುನ
ಶಾತ್ ಲೀಖುಸ್ಕತೊ,

² ದೇವ್ ತುಮುನ ಪರಿಶುದ್ ಕರಾನಖ್ವಾಜಿ ಘಣಾದನ್ನ ಅಗ್ಗಳಸ್
ವಿಚಾರ್ ಕರಿರಾಖ್ಯೊಸ್. ದೇವ್ ಬಾರೇಮಾಬಿ ಅಜ್ಜು ಅಪೊ ಪ್ರಭು
ಹುಯಿರ್ದೋತೆ ಯೇಸುನಿ ಬಾರೇಮಾನಿ ಛಾತೆ ಗ್ಯಾನ್ಧಿ, ತುಮುನ
ವಾರ್ಖೊ ಅಜ್ಜು ಶಾಂತಿ ಘಣೇಧಿ ಘಣು ಮಳಾದೆ.

ದೇವ್‌ಧಿ ಬುಲಾವ್ವಿ ಅಜ್ಜು ಚುನಾವ್ವಿ

³ ಇನಿ ಮಹಿಮೆಮ ಅಜ್ಜು ಅಲ್ಪಿಪಣ್ಣೆಮ ಭಾಗ್‌ಹುವಾನ
ಬುಲೈರಾಖ್ಯೊತೆ ಇನೇಧಿ ದೇವ್ ಅಪ್ಪುನ ಚಿಂದ್‌ಗಿ ಚಲಾವನಬಿ
ಅಜ್ಜು ಭಕ್ತಿಧಿ ರ್ವವಾನ ಹೋಣುತೆ ಖ್ವಾರೂಸ್ ದೇವ್ವೆ ಇನಿ ಶಕ್ತಿಧಿ
ತಾಖತ್ವ ದೀರಾಖ್ಯೊಸ್.

4 ತುಮೆ ಲೋಕ್‌ನಿ ಲಾಲಚ್‌ಧಿ ಆವಸ್ತೆ ಖರಾಬ್‌ಧಿ ಛುಕಿನ್, ದೇವ್ನಿ ಚಾಲ್‌ಮ ಭಾಗ್‌ಲ್ಯವಾಳ ಹೋಣುಕರಿ ಬೋಲಿನ್‌ಸ್ ದೇವ್ನಿ ಇನಿ ಮಹಾನ್ ಅಜ್ಜು ಅಮೂಲ್ಯ ಹುಯಿರ್ದೆತೆ ವಾತೇನ ಅಪ್ಪುನ ದಿದೊ.

5 ಅನಖ್ವಾಜೆಸ್ ತುಮೆ ತುಮಾರಿ ಪೂರ ಮನ್‌ಧಿ ವಿಶ್ವಾಸ್‌ನ ಜೋಡೆ ಅಲ್ಪಿ ಗುಣಾನ, ಅಲ್ಪಿ ಗುಣಾನ ಜೋಡೆ ಅಲ್ಪಿ ಗ್ಯಾನ್‌ನ ಮಳಾವೊ.

6 ಅಲ್ಪಿ ಗ್ಯಾನ್‌ನ ಜೋಡೆ ಖುದ್‌ನ ಖದ್ವಾಳಿಲ್ಯವಾಮ, ಖದ್ವಾಳನ ಜೋಡೆ, ಭಾಲ್ವ ಭಾಲ್ವ ಜೋಡೆ ಅಲ್ಪಿ ಭಕ್ತಿನ, ಮಳಾವೊ.

7 ಭಕ್ತಿನ ಜೋಡೆ ಬೈಯೆ-ಭೇನೇನ ಗಳೆಜೋಡ್ಲ ಬೈಯೆ-ಭೇನೇನ ಗಳೆಜೋಡೆ ಪ್ಯಾರ್‌ನ ಮಳ್ಳೆಲೆವೊ.

8 ಆ ಖ್ವಾರ್‌ನ ತುಮಾರಾಮ ರ್‌ವೀನ್, ಭಡ್ತು ಆಯುತೊ, ಅಪ್ಪೊ ಪ್ರಭು ಹುಯಿರ್ದೆತೆ ಯೇಸು ಕ್ರಿಸ್ತನಿ ಗ್ಯಾನ್‌ಮ, ತುಮೆ ಚಾತುರ್ ಹವಾನಿ ಬಾರೇಮ ಕಾಮ್ನ ಕೊಯ್ತೆಲೆಬಿ, ಫಾಯಿದೊಕೊಂತೆ ತಿಮ್ ನಾಹುಯಿರ್ದೆವಾನಿ ಘೋಣಿ ಕರಸ್.

9 ಕತೋಬಿ ಆ ಖ್ವಾರಿ ಗುಣೆಕೊಂತೆ ಅದ್ವಿ ಅಂಧು ಹುಯಿರ್ದೆಸ್, ಅಜ್ಜು ಇನ ದೂರಲಿ ಜೋತ್‌ಕೊಂತೆ, ಇನು ಅಗ್‌ಲ್ಯ ಪಾಪ್‌ಖ್ವಾರ್‌ನ ಮಾಪ್ ಹುಯಿಜ್ಞೆನ್, ಯೋ ಶುದ್ಧಿ ಹುಯಿಗಯು ಕರಿ ಯೋ ಬೈಕಿಗಯೊ.

10 ಇನಖ್ವಾಜೆಸ್ ಮಾರ ಬೈಯೆ, ಭೇನೆವೊ ದೇವ್ನಿ ತುಮೂನ ಬುಲಾಯೊತೆ ಅಜ್ಜು ಚೂಣಿಲಿದೊತೊ ಖ್ವಾಜ ಕರಿ ವತಾಳನಖ್ವಾಜೆ ಬಿಜೂಬಿ ಜಾಖ್ವತ್ ಮ್ಹಿನತ್‌ಕರೊ, ತುಮೆ ಅಮ್‌ಕರ್ಯಾತೊ, ಕದೇಬಿ ರೋಕರ್‌ಖ್ವೆನ್ ರಡಕ್‌ಶು ಕೊಯ್ನಿ.

11 ಅನೇಧಿ ಅಪ್ಪೊ ಪ್ರಭು ಅಜ್ಜು ರಕ್ಷಕ್ ಹುಯಿರ್ದೆತೆ, ಯೇಸು ಕ್ರಿಸ್ತನಿ ಹಮೇಶಾನ ರಾಜ್ಯಮ ಜಾವಾನಿಮತ್, ತುಮುನ ಅರಾಮ್‌ಧಿ ಜಾವಖ್ವರ್ಕ್ ಉಷೆ.

12 ಇನಖ್ವಾಜೆಸ್, ತುಮೆ ಆ ಖ್ವಾರಿ ಬಾರೇಮ ಮಾಲುಮ್ ಕರಿಲೀನ್, ತುಮೂನ ಮಳಿರ್ದೆತೆ ಖ್ವಾಜಿಮ ಘಟ್ ರ್‌ವಿಯಾತೋಬಿ, ಮೇ ಯೋ ಖ್ವಾರಾನ ತುಮೂನ ಹಮೇಶ ಕದೇಬಿ ಯಾದ್ ದೆವಾಡ್ಲೊ ರ್‌ವೀಶ್.

13 ಮೇ ಮಾರ ಶರೀರ್‌ಕರಿ ಘರ್‌ಮ ರ್ವವಲಗೂಬಿ ತುಮುನ ಯಾದ್‌ದ್ಯವಾಡಿನ್ ಹುಮ್ಮಖ್ವ್ ಕರಾವನು ನ್ಯಾವ್ವ ಕಾಮ್‌ಕರಿ ಮೇ ಸೋಚಿರಾಖ್ಯೊಸ್.

14 ಅಪ್ಪೊಪ್ರಭು ಹುಯಿರ್‌ಪ್ಪೊತೆ ಯೇಸು ಕ್ರಿಸ್ತನೆ ಮನ ಬೋಲ್ಯೊತೆ ಇಮ್ಮಸ್, ಮೇ ಆ ಘರ್‌ನ ಮ್ಹೇಲಿಜಾವಾನು ಹಗಾಮ್ ಖನ್ನೆಸ್ ಛಾಕರಿ ಮನ ಮಾಲುಮ್.

15 ಮೇ ಮರಾನ ಬಾದ್ವ ತುಮೆ ಆ ಖ್ವಾರಾನ ಕದೇಬಿ ಯಾದ್ ಕರಿಲ್ಯವಾನಖ್ವಾಜಿ ಮಾರೊ ಹಾತ್ ಹುವ್ವಾಯಿತ್ರೇ ಮೇ ಕೋಶಿಶ್‌ಕರುಸ್.

ಕ್ರಿಸ್ತನಿ ಮಹಿಮೆ ಅಜ್ಜು ಪ್ರವಾದನೆ

16 ಅಪ್ಪೊ ಪ್ರಭು ಯೇಸು ಕ್ರಿಸ್ತನಿ ಶಕತ್ನಿ ಬಾರೇಮ ಅಜ್ಜು ಯೋ ಆವ್‌ಶೇತೆ ಬಾರೇಮ ತುಮೂನ ಬೋಲಿವತಾಳಿ ರಾಖ್ಯಸ್. ಯೋ ಅದ್ವಿಧಿ ಬೋಲ್ಪೊಹುಯಿ ಖೇಣಿಯೇನಿ ಆಧಾರ್‌ಪರ್ ಬೋಲಿವತಾಳ್ವಾತೆ ಕಾಹೆ ಯೋ ಕೆತ್ರ ಮಹಾನ್ ಕರಿ ಹಮೆ ಖ್ವುಡ್ ಹಮಾರ ಡೋಳೆಖ್ವು ದೇವಿರಾಖ್ಯಸ್.

17 “ಆ ಮಾರೊ ಪ್ಯಾರ್‌ನೊ ಛಿಯ್ಯೊ ಅನ ಮೆ ಪಸಂದ್ ಕರಿರಾಖ್ಯೊಸ್” ಕರಿ ಅವಾಜ್ ಮೋಟಿ ಮಹಿಮೇಥಿ ಇನ ಆಯೂತೆ ತದೆ, ಬಾ ದೇವ್‌ಥಿ ಇನ ಇಜ್ಜತ್ ಅಜ್ಜು ಮಹಿಮೆ ಮಳಿಗ್ಗೆ.

18 ಹಮೆ ಪವಿತ್ರ್ ಪಹಾಡ್‌ಪರ್ ಇನ ಜೋಡೆಥಾತೆ ತದೆ, ಪರಲೋಕ್‌ಥು ಆಯೂತೆ ಯೋ ಅವಾಜ್‌ನ ಹಮೆ ಖ್ವುಮ್‌ಜ್ಯ.

19 ಅತ್ರೇಸ್ ಕಾಹೆತೆ, ಪ್ರವಾದ್‌ನೆನಿ ವಚನ್ ಬೋಲಿರಾಖ್ಯತೆ ವಾತೆ ಅಪ್ಪುನಖ್ವಾರು ಖ್ವಾಚ ಕರಿ ಬಿಜೂಬಿ ಘಟ್‌ಥಿ ಮಳಿರ್‌ಪ್ಪೊಸ್. ಶನಕತೊ ಇವ್ಚೆಬೋಲಿರಾಖ್ಯತೆ ವಾತೆ ಅಂಧಾರಾಮ ಉಜಾಖ್ವ್‌ದ್ಯವಾನು ದೀವೊ ಹುಯಿರ್‌ಪ್ಪೊಸ್ ತುಮಾರ ದಿಲ್ಮಿ ಖ್ವಾರು ವ್ವಾಣು ಹುವ್ವಾತೋಡಿ ಅಜ್ಜು ವ್ವಾಣೆ ವೇಳೆನೊ ಶುಕ್ಕ್‌ರ್ ನಿಕ್ಕಾತೋಡಿ ಯೋ ಉಜಾಳು ಝುಮ್‌ಕವಾಳು ಹುಯಿರ್‌ಪ್ಪೊಸ್.

20 ಖಿವು ಪ್ರವಾದನೆನು ವಚನಾಬಿ ಖಲಿ ಶೋಂತ್ ಅದ್ವಿನಿ ಬುದ್ಧಿಧಿ ಬೋಲಿವತಾಳಖ್ತುಕು ಕಾಹೆ ಕರಿ ಬೋಲಾನು ಮುಖ್ಯಾಧಿ ಪಹಿಲೆ ಮಾಲುಮಾಕರಿಲೆವೊ.

21 ಶನಕತೊ ಖಿವಿ ಪ್ರವಾದನೇಬಿ ಕದೇಬಿ ಅದ್ವಿನಿ ಮರ್ಜಿಧಿ ಆಯೂತೆ ಕಾಹೆ, ಕತೋಬಿ ಅದ್ವಿಖ್ತಾರು ಪವಿತ್ರಾತ್ಮಧಿ ಭರೈನ್, ದೇವ್‌ಧಿ ಲೀಲಿದೂತೆ ವಾತೇನಸ್ ಬೋಲ್ಯು.

2

ಚೋರ್ ಬೋಧನೆ ಕರವಾಳು

1 ಕತೋಬಿ ಇಸ್ರಾಯೇಲ್ ಅದ್ವಿಯೇವ್‌ನ ಜೋಡ್ಡು ಝೂಟು ಪ್ರವಾದಿಜಿನು ಥೂ. ಇಮ್ಮಿಸ್ ಪರಕ್ಮ ತುಮಾರಮಾಬಿ ಝೂಟು ಬೋಧಕರ್ ಖ್ತಾರು ರ್‌ಶ್ತೆ. ಇವ್ಣೆ ಖತರ್‌ನಾಕ್ ಖರಾಬ್ ಬೋಧನೆಖ್ತಾರು ಗಪ್ಲಧಿ ಮಹಿಲೀನ್ ಆವವಾಳುಬಿ ಅಜ್ಜು ಇವ್ಣುನ ಮೋಲ್ ಲಿದೋತೆ ಯಜಮಾನ್ನ ಜಿನು ಝಿಟ್ಕಾರವಾಳು ಹುಯಿರಿನ್ ಒಗ್ಗಿಸ್‌ಮ ಇವ್ಣಪರ್ ನಾಶನನ ಬುಲೈಲಿಸ್.

2 ಇವ್ಣ ಖರಾಬ್ ಕಾಮ್ನ ಮಾರಗ್‌ಪರ್ ಕೈಏಕ್ ಭಣು ಭಾಲವಾಳು ಹುಯಿರ್ದೆಶ್ತೆ. ಇವ್ಣೆ ಖ್ತಾಚ ಮಾರಗ್‌ನ ದೂಷಣೆ ಬೋಲವಾಳು ಹುಯಿರ್ದೆಶ್ತೆ.

3 ಇವ್ಣೆ ಪೈಶಾನಿ ಲಾಲ್‌ಫಿವಾಳು ಹುಯಿರ್ದೆನ್, ಬಣೈಹುಯ್ ಖೇಣಿನ ಬೋಲ್ತುಹುಯಿನ್, ತುಮಾರೇಧಿ ನಪ್ಪೊ ಕರಿಲ್ಯಾವಾಳು ಹುಯಿರ್ದೆಶ್ತೆ. ಇನಖ್ತಾಜೆ ಘಣಾದನ್‌ಥು ಇವ್ಣುನ ಛಾತೆ ನಿಶತ್ನು ತೀರ್ಪ್ ಇವ್ಣುನ ಟಿವೈರ್ದೆಸ್. ಇವ್ಣುನ ಆವನಿ ನಾಶನ ಇವ್ಣೇಧಿ ಛುಕಿಜಾಶೇಸ್ ಕೊಯ್ತಿ.

4 ಕಿಮಾಕತೊ ದೇವ್‌ನು ದೂತಖ್ತಾರು ಪಾಪ್ ಕರ್ತಾನ ದೇವ್ಣೆ ಇವ್ಣುನ ಖೊಪೊ ಮ್ಹೇಲ್ಯೊಕೊಂತೆ, ನರಕ್ಮ ಧಕೆಲೀನ್ ನ್ಯಾವ್ತೀರ್ಪ್‌ನ ಲಿಲ್ಯಾವನಖ್ತಾಜೆ ಖ್ಹಂಕಳ್‌ಧಿ ಭಂದೈನ್ ಅಂಧಾರಿನ ಪಾಳ್ಕಮ ದಿನಾಖಿದಿದೊ.

5 ಜ್ಞಾನ ಜಮಾನಾನು ಅದ್ವಿ ಜಿನು ದೇವ್ವೆ ನಿಶತ್ ದಿದೊಕೊಂತೆ ಮ್ಹೆಲ್ಯೊಕೊಯ್ನಿ ನೀತಿನ ಮಾರಗ್‌ನ ಬೋಲಿವತಾಳ್ಕೊತೆ ನೋಹಾನ ಅಜ್ಜು ಇನಿ ಜೋಡ್ವಡ್ವತೆ ಬಿಜ್ಜು ಖ್ವಾತ್ ಜ್ಞಾನ ಖಲಿಬಚ್ಚಾಡನ್, ಖರಾಬ್ ಅದ್ವಿಧಿ ಭರೈರ್ದ್ವತೆ ಜಗತ್ವ ಉಪ್ಪರ್ ತೋಫಾನ್ ಲಾಯೊ.

6 ದೇವ್ವೆ ಸೊದೋಮ್ ಅಜ್ಜು ಗೊಮೋರ್ ಖ್ವಯೇರ್ದ್ವ ಬಾಳಿನ್ ರಾಕ್‌ಕರಿನ್ ಅನಪಾರ್ ಭಕ್ತಿಕೊಂತೆ ಬಚ್ಚಾವಾಳನ ಆವ್‌ಶೆತೆ ಖರಾಬ್ ಹಾಲತ್ವ ವತಾಳನ ಖ್ವಾಜೆ ಯೋ ಅಖ್ವಾ ಖ್ವಯೇರ್ದ್ವ ನಿಶತ್ ದೀನ್ ಸಾಕ್ಷಿಬಣಾಯೊ.

7 ಕತೋಬಿ ದೇವ್ವೆ ಯೋ ಖರಾಬ್ ಅದ್ವಿನ ಖರಾಬ್‌ಚ್ಚಾಲ್‌ಥಿ ದಿಲ್‌ದುಖೈರ್ದ್ವತೆ ನೀತಿವಾಳೊ ಲೋಟನ ಬಚ್ಚಾಡ್ವೊ.

8 ಕತೋಬಿ ಯೋ ನೀತಿವಾಳೊ ಯೋ ಖರಾಬ್ ಅದ್ವಿನ ಇಚ್ಚೆಮರ್ದ್ವಿನ್, ಇವ್ಣೆ ಕರಾತೆ ಖರಾಬ್‌ಕಾಮ್ವ ದೇಕ್ತೊ ಖ್ವಮಜ್‌ತೊ ಹುಯಿನ್ ಯೋ ಅಖ್ವಾನಖ್ವಾಜೆ ದನ್‌ಪರ್-ದನ್ ಇನು ನೀತಿನ ಆತ್ಮಮ ಘಣು ದುಖಿಹುಯೊ.

9 ಪ್ರಭು ಭಕ್ತಿವಾಳಾನ ಮುಶ್ಶಿಲ್‌ಮಾಥು ಬಚ್ಚಾಡನಾಬಿ ಅನೀತಿವಾಳಾನ ನಿಶತ್ ದ್ಯವಾನಖ್ವಾಜೆ ನ್ಯಾವ್ವ ದನ್ ಆವಾಲಗು ರಾಖನಬಿ ಮಾಲುಮ್ ಕರಿರಾಖ್ಯೊಸ್.

10 ಮುಖ್ಯಧಿ ಇವ್ಣಿ ಶರೀರ್‌ನಿ ಖರಾಬ್‌ಆಖ್ವೊನ್ ಬಲಿ ಹುಯಿರ್ದ್ವಾಳನ ಅಜ್ಜು ದೇವ್ವಿ ಅದಿಕಾರ್‌ನ ದೂಷಣೆ ಕರವಾಳನ ನಿಶತ್ ದಿಶೆಕೊಂತೆ ಮ್ಹೆಲ್‌ಶೆಕೊಯ್ನಿ.

11 ದೇವ್‌ದೂತಖ್ವಾರು, ಶಕತ್‌ಮಾಬಿ ತಾಖತ್‌ಮಾಬಿ ಉಚ್ಚರ್ದ್ವಯತೋಬಿ ಪ್ರಭುನ ಖ್ವಾಮ್ಣೆ ಇವ್ಣುನ ವಿರೋದ್‌ಥಿ ಗಾಳೇಬಿ, ಚಾವ್‌ಣ್ಯಬಿ ನಾಬೋಲ್ಯತೊ, ಯೋ ಘಬ್ರಿಖ್ವಾರು ಮಹಿಮೆನಾಬಿ ಗಾಳೆದ್ಯವಾನ ಪೀಲೆ ಹಟ್‌ಶೆಕೊಯ್ನಿ.

12 ಮ್ಹಾಮುಲಿಧಿ ಕಬ್‌ಜಾಮ ಧರೈಜೈನ್ ನಾಶ ಹುವಾನಖ್ವಾಜೆ ಪೈದಹುಯಿರ್ದ್ವತೆ ಬಿಣ್ ಅಕ್ಕಲ್‌ನು ಜಾನ್ವರ್‌ನಿತರ ಛಾತೆ ಆ ಖರಾಬ್ ಬೋಧನೆ ಕರವಾಳು ಖ್ವಾರು ಇವ್ಣುನ ಮಾಲುಮ್‌ಕೊಂತೆ ಬಾರೇಮ

ದೂಷಣೆ ಕರವಾಳು ಹುಯಿರ್ದ್ದುಸ್. ಅವ್ವೆ ಖ್ವಾರು ಇವ್ವಿ ಖರಾಬ್ ಫಣ್ಣೆಥಿ ಇವ್ವೆಸ್ ಪೂರನಾಶ ಹುಯಿಜಾಶೆ.

13 ಇವ್ವಿ ಖರಾಬ್ ನೀತಿಥೀಸ್ ಬರೋಬರ್ ನಿಶತ್ ಲೀಲಿಶೆ. ಜಾಖ್ವತ್ ಖರ್ಚ್ ಕರಾಮಾಸ್ ದನ್ ಕಾಡನುಸ್ ಮುಷಿಕರಿ ಗಣ್ಣಿ ಕರಸ್. ಅವ್ವೆ ತುಮಾರಿ ಜೋಡ್ಡ ಮಿರ್ಘುವಾನ್ ಕರಾನಿವಖ್ವಾತೆ ರಗಾವವಾಳು ಹುಯಿರ್ದ್ದುಸ್ ಖಯ್ ಪೀನ್ ಕಳಂಕ್ ನಾಬಿ ಖ್ವರಮ್ ಬಿ ಕಡ್ಯೆಲ್ಯಾವಾಳು ಹುಯಿರ್ದ್ದುಸ್.

14 ಅವ್ವೆ ವ್ಯಭಿಚಾರಿಣಿನ ದೇಖನ್ ಮುಖಿಕರವಾಳುಬಿ ಅವ್ವೆ ಕದೇಬಿ ತರಖ್ವ್ ತುಟಕೊಂತೆ ಪಾಪ್ಪಕರವಾಳು ಹುಯಿರ್ದ್ದುಸ್. ಬಿಣ್ ತಾಖತ್ ವಾಳನ ರಗೈನ್; ಅಜ್ಜು ಇವ್ವು ದಿಲ್ ಪೈಶಾನಿ ಆಖ್ವ್ ಕರಾನಿತರ ಕರಸ್ ಅಜ್ಜು ಇವ್ವೆ ದೇವ್ನಿ ಶಾಪಮ ರಡ್ವೆಸ್.

15 ಅವ್ವೆ ಅಲ್ಫ ಮಾರಗ್ ನ ಮ್ವೆಲಿನ್, ವಾಟ್ ಭೈಕಿಹುಯು ಅಜ್ಜು ಬೆಯೋರಾನೊ ಛಿಯೊ ಬಿಳಾಮಾನೊ ಮಾರಗ್ ನ ಧರೀಹುಯು ಹುಯಿರ್ದ್ದುಸ್, ಆ ಬಿಳಾಮ ಖರಾಬ್ ಕಾಮ್ ಥಿ ಮಳಾತೆ ಶಂಬ್ಳನ ಪ್ರಾರ್ಕರ್ದೊ.

16 ಕತೋಬಿ ಇನ ಖರಾಬ್ ಕಾಮ್ ಗುರ್ ಕಾವ್ಣಿಮಳ್ಳು ಮುಕ್ಕುಜಾನ್ವರ್ ಹುಯಿರ್ದ್ದುತೆ ಗಧೇಡೊ ಅದ್ವಿನಿತರ ವಾತೆಬೋಲಿನ್, ಯೋ ಪ್ರವಾದಿನು ಪಾಗಲ್ ಪನ್ನ ಆಡುಹುಯಿನ್ ಭೀರಾಮ್.

17 ಅವ್ವೆ ಪಾಣಿಕೊಂತೆ ತಲಾವ್ ನಿಮತ್, ತೋಫಾನ್ವ ವ್ವಯಿರಾಮ ಉಡಿಜಾನ್ವೆ ವಾದ್ವಾನಿತರಾಬಿ ಹುಯಿರ್ದ್ದುಸ್. ಅಥ್ವಾನ ವಾಳನಖ್ವಾಜೆ ಅಂಧಾರಿನಪಾಳನ ತಯಾರ್ ಕರಿನ್ ಮ್ವೆಲೈರ್ದ್ದುಸ್.

18 ಗಲತ್ ವಾಟ್ ಪರ್ ಚಾಲವಾಳನಿ ಖಂಗ್ ಥಿ ಛುಕಿಜಾವಳ ನವ ಅದ್ವಿನಿ ಜೋಡ್ಡ ಅವ್ವೆ ಫಾಯಿದೊಕೊಂತೆ ಪೋಲಿ ವಾತೆನ ಬೋಲಿನ್, ಶರೀರನಿ ಖರಾಬ್ ಆಖ್ವ್ ಮ ನಾಖಿನ್ ಘಣಿ ಡೊಂಗಿನಿ ಬುದ್ಧಿಥಿ ಇವ್ವುನ ಮಂಕ್ ಕರ್ದುಖಾಸ್.

19 ಅಥ್ವಾನವಾಳು ಛುಟ್ಕಾರ್ ದಿಯೇಸ್ ಕರಿ ಇವ್ವುನ ವಾಗ್ವಾನ್ ಕರಸ್. ಕತೋಬಿ ಇವ್ವೆಸ್ ಖರಾಬ್ ಫಣ್ಣೆನ ಗುಲಾಮ್ ಹುಯಿರ್ದ್ದುಸ್.

ಶನಕತೊ ಖಿವು ಏಕ್‌ನ ಖ್ವಾಮ್ಣೆ ಹರಸ್ತಿ ಇನ ಯೋ ಗುಲಾಮ್ ಹುಯಿರ್ದೋಸ್.

20 ಪ್ರಭುಬಿ ರಕ್ಷಕ್‌ಬಿ ಹುಯಿರ್ದೋತೆ ಯೇಸು ಕ್ರಿಸ್ತನಿ ಬಾರೇಮಾನಿ ಗ್ಯಾನ್‌ಥಿ ಲೋಕ್‌ನು ಕಚಿಂಡ್‌ಮಾಥು ಛುಕ್ಯೆಗಯುಹುಯು ಫಾಳುಪರಿನ್ ಯೋ ಅಖ್ಯಾಮ್ ಖ್ವಪ್‌ಡೆನ್ ಹರಿಗಯೊತೊ, ಇನಿ ಖ್ವರ್ತಿನಿ ಹಾಲತ್ ಪಹಿಲೆಥೀಬಿ ಖರಾಬ್ ಹುಯಿಜಾಶೆ.

21 ಇವ್ಣೆ ನಿಯತ್‌ನೊ ಮಾರಗ್‌ನ ಪರ್ವಿಲಿನ್, ಇವ್ಣುನ ದೆವೈತೆ ಪವಿತ್ರ ಹುಕುಮ್‌ನ ರಿಟ್ಕಾರಥಿಬಿ, ಯೋ ಮಾರಗ್‌ನ ಪರ್‌ಖ್ಯಾ ನಾಹೋತ್ತೋಸ್ ಅಛ್ಣು ರ್ದಯುಹೋತ್.

22 “ಕುತರ್ಯ್ ಯೋ ಓಕ್‌ರ್ಯ್ ಹುಯಾನಸ್ ಚಾಟಾನ ಪಾಠ್ಣು ಫರಿಗಯು”. ಅಜು “ನೊವ್ವಾಡ್ಯಹುಯು ಡೂಕರ್ ಚಿಕ್‌ಡ್‌ಮ ಕಲಾವಾನ ಗಯು”. ಕರಿ ಬೋಲಾನು ಮಶ್ಲೋ ಅವ್ಣುನ ಖ್ವಾಚೆಸ್ ಹುವಾಸ್.

3

ಪ್ರಭು ಆವ್‌ಶೇತೆ ವಾಗ್ದಾನ್

1 ಮಾರ ಪ್ಯಾರ್‌ನ ದೋಸ್ತಿವೊ, ಮೇ ಹಮ್ಣೆ ತುಮೂನ ಲೀಖುಕರುಸ್ತೆ ಬೇನಿ ಚಿಟ್ಟಿ. ಆ ಬೇ ಚಿಟ್ಟಿಮಾಬಿ ಆ ಅಖ್ವಿಬಾರೇಮ್ ತುಮುನ ಖ್ವಿಯಾಲ್ ಲ್ಯಾವಾನ ತುಮಾರ ದಿಲ್ಮ ಪರಿಶುದ್ಧ ಸೋಚ್ ಆವಾನಿತರ ಕರಾವನ ಕೋಶಿಶ್ ಕರಿರಾಖೊಸ್.

2 ಪಞ್ಲಲ್ಯ ಹಗಾಮ್ಣೆ ಪರಿಶುದ್ಧ ಪ್ರವಾದಿಯೇನೆ ಬೋಲ್ಯತೆ ವಾತೆಖ್ವಾರು ಅಜು ತುಮಾರ ಅಪೊಸ್ತಲರ್ ಪ್ರಭು ಅಜು ರಕ್ಷಕ್‌ನೆ ದೀರಾಖೊತೆ ಹುಕುಮ್‌ನ ತುಮಾರಿ ಯಾದ್ಮಲ್ಯಾವಾನ ಆಖ್‌ಕರುಸ್.

3 ಅಖ್ವೇಥಿ ಪಹಿಲೆಸ್ ತುಮೆ ಆನ ಯಾದ್ಮರಾಖಿರಾಕ್ಣು; ಥೋಡುಜಣು ಇವ್ಣಿ ಖರಾಬ್ ಆಖ್‌ನಿ ಅಧೀನ್‌ಮ ಜಿವ್ಣುಕರಾತೆ ದೇಖವಸ್. ಇವ್ಣೆ ಚಿಂಫಾವ್ಣಿ ಕರ್ತುಹಯಿನ್,

4 “ಯೋ ಫಾಚೊಫರಿನ್ ಆವಾಶೆ ಕರಿ ಬೋಲಾನು ವಾಗ್ದಾನ್ ಶಾತ್‌ಹುಯು? ಅಪ್ಪೊ ಗುರುಗುರುಬ್‌ಲೊ ಖ್ಹಾರು ಮರಿಗಯು; ಖ್ಹಾರುಸ್ ಜಗತ್ ಉಬ್‌ಜ್ಯುಧಪ್‌ತುಬಿ ಕಿಮ್‌ಧೂಕಿ ತಿಮ್ಮಸ್ ಲ್ಹಾನಿ” ಕರಿ ಬೋಲಸ್.

5 ಕತೋಬಿ ಅಗಾಡಿ ದೇವ್ಣೆ ಇನಿ ವಾತೆಥಿ ಆಬ್ ಧರ್ತಿನ ಅಖ್ವಾನ ಬಣಾಯೊ ಅಜು ಪಾಣಿಥಿ ಧರ್ತಿನ ಬಣಾಯೊ ಕರಿ ಬೋಲಾನಿ ವಾತೆನ್ ಹೋಣುಸ್‌ಕರಿ ಬೈಕಿಘಾಸ್.

6 ಯೋ ಪಾಣಿಥೀಸ್ ಜೂನು ಜಗತ್ ತೋಫಾನ್‌ಮ ನಾಶ್ ಬಣೈಗಯು.

7 ಹಮ್ಣೆ ಲ್ಹಾತೆ ಆಬ್-ಧರ್ತಿಖ್ಹಾರನ ಯೋಸ್ ವಚನ್ನಿ ತಾಖತ್ತಿ ಆಗ್‌ಥಿ ನಾಶಕರಾನಟೀಕೆ ಟಿವಾಡಿರಾಖ್ಪುಸ್. ಖರಾಬ್ ಅದ್ಮಿಖ್ಹಾರು ವಿನಾಶ್‌ಹುವಾನು ನ್ಯಾವ್‌ತೀರ್ಪ್‌ನ ದನ್‌ಲಗುಬಿ ಆ ಅಖ್ವಾನ ಮ್ಹೇಲಿರಾಖ್ಪುಸ್.

8 ಪ್ಯಾರ್‌ನ ದೋಸ್ತಿವೊ ಪ್ರಭುನ ಗಣ್ತಿಮ ಏಕ್ ದನ್ ಹಜಾರ್ ವರಖ್ವಾನ್ ಫೋಣಿಬಿ ಅಜು ಹಜಾರ್ ವರಖ್ವಾನ್ ಏಕ್ ದನ್ನಿ ಫೋಣಿಬಿ ಖಾಲಿ ಲ್ಹಾ ಕರಿ ಬೋಲಾನು ಬೈಕೊನಕೊ.

9 ಪ್ರಭು ಇನಿ ವಾಗ್ದಾನ್ ಪೂರ ಕರಾನಖ್ಹಾಜೆ ದೇರ್‌ಕರಾಶೆ ಕರಿ ಬೋಲಾನು ಥೋಡುಜಣು ಖ್ಹಮ್‌ಜಿರಾಖ್ಪುಸ್ನಿ. ಇಮ್ಮಿ ಪರಕ್ ಯೋ ದೇರ್‌ಕರವಾಳೊ ಕಾಹೆ. ಅನಬದಲ್ ತುಮಾರಿ ಜೋಡ್ತ್ ಘಣೇಥಿ ಖ್ಹಮಾಳಿರಾಖ್ಪುಸ್. ತುಮಾರಮ ಏಕ್‌ಜಣೂಬಿ ನಾಶ್ ನಾಹೋಣುತೆ ಅಖ್ವುಜಣು ಪಾಪ್ ಮ್ಹೆಂದಿನ್ ಪಾಲ್ಟು ಫರಿಜಾವ್ಣುಕರಿ ಯೋ ಆಖ್‌ಹರಸ್.

10 ಪ್ರಭುನೊ ದನ್ ಚೋರ್ ಆವಾನಿತರ ಆವಾಶೆ. ಯೋ ದನ್ತ್ ಆಬ್‌ಅಖ್ವು ಘಲಾರಕೊಂತೆ ಹುಯಿಜಾಶೆ ಚಾಂದ್, ಚಂದರ್‌ಮೊ, ತಾರೊ, ಗ್ರಹಖ್ಹಾರು ಬಳಿನ್ ನೂಚೈಜಾಶೆ. ಜಮೀನ್ ಇನಾಮ ಲ್ಹಾತೆಖ್ಹಾರುಸ್‌ಬಿ ಭುಂಜಯಿನ್ ರಾಕ್ ಹುಯಿಜಾಶೆ.

11 ಆಖ್ಹಾರು ಅಮ್ ಬರ್ಬಾತ್ ಹುಯಿಜಾಶೆಕತೊ ಇನಾಮ ತುಮೆ ಕೆಥ್ರಾನವಾಳ ಹುಯಿರ್ದೆನ್ ಜಿವ್ಣುಕರ್ನ್? ತುಮೆ ಪರಿಶುದ್

ಹುಯಿನ್‌ಬಿ ಅಜ್ಜು ದೇವ್ವ ಅದ್ವಿಖ್ಹಾರ್ಡು ಹುಯಿನ್ ಜಿವ್ವಕ್ಕರ್ದ್.

12 ದೇವ್ವ ಯೋ ದನ್ನ ಮ್ಹೋರೆ ದೇಕ್‌ತುಹುಯಿನ್ ಯೋ ಒಗ್ಗಿಸ್ ಆವಾದೆ ಕರಿ ಆಖ್ತ್ ಕರ್ತರ್ದ್ಲೆವೊ. ಯೋ ದನ್ಮ ಆಕಾಶ್‌ನೊ ಗೋಳೊ ಆಗ್‌ಥಿ ನಾಶ್‌ಹುಯಿಜಾಶೆ; ಚಾಂದ್, ಚಂದರ್‌ಮೊ, ತಾರೊ, ಅಜ್ಜು ಗ್ರಹಖ್ಹಾರ್ಡು ಘಣ ಅಂಚ್‌ಥಿ ಪಿಗ್‌ಳಿಜಾಶೆ.

13 ಕತೋಬಿ ಅಪ್ಲೆ ದೇವ್ವಿ ವಾಗ್ಡಾನ್ನಿ ಪರಕ್ ನವು ಆಬ್‌ಅಖ್ಪು ಅಜ್ಜು ನವಿ ಧರ್ತಿನಾಬಿ ಮ್ಹೋರೆ ದೇಖುಕರೆಸ್ ಯೋ ಅಖ್ಪಾಮ ನೀತಿ ಜಿವಿರ್ದ್ಲೆ.

14 ಅನಖ್ವಾಜೆಸ್ ಪ್ಯಾರ್‌ನ ದೋಸ್ತಿವೊ ತುಮೆ ಆಖ್ವಾರ್‌ನ ಮ್ಹೋರೆ ದೇಖವಾಳ ಹುಯಿರ್ದ್ಲೆ ಇನಖ್ವಾಜೆ ತುಮೆ ದೇವ್‌ಮ ಸಮಾಧಾನ್‌ಥಿಬಿ, ಪರಿಶುದ್ಧಿಬಿ ನಿರ್ದೋಷಿಬಿ ಹುಯಿನ್ ದೆಖಾವನ ಕೋಶಿಶ್ ಕರೊ.

15 ಅಪ್ಲೊ ಪ್ರಭುನಿ ದೀರ್ಘಶಾಂತಿ ಅಪ್ಪ ಬಚ್ಚಾಡನ ಖ್ವಾಜೆಸ್‌ಕರಿ ಮಾಲುಮ್‌ಕರಿಲೆವೊ. ಅಪ್ಲೊ ಪ್ಯಾರ್‌ನೊ ಭೈ ಹುಯಿರ್ದ್ಲೆತೆ ಪೌಲಜಿನು ದೇವ್ವ ದಿದೊತೆ ಗ್ಯಾನ್ನಿ ಪರಕ್ ತುಮೂನ ಲೀಖಿರಾಖ್ಲೊಸ್.

16 ಪೌಲ ಇನಿ ಖ್ವಾರಿನ್ ಚಿಟ್ಟಿಮಾಬಿ ಆ ವಾತೆನಿ ಬಾರೇಮ ಬೋಲಿರಾಖ್ಲೊಸ್. ಆ ಚಿಟ್ಟೀಮ ಛಾತೆ ಧೋಡಿವಾತೆಖ್ವಾರು ತುಮುನ ಮಾಲುಮ್ ಕರ್‌ಲ್ಯಾವನ ಕರಣ್ ಹುಯಿರ್ದ್ಲೆಸ್. ಬಿಣ್ ಅಕ್ಲೀಬಿ ಅಜ್ಜು ವಿಶ್ವಾಸ್‌ಮ ಕಮ್‌ಜೋರ್ ಹುಯಿರ್ದ್ಲೆವಾಳು ಬಿಜ್ಞ ಧರ್ಮಶಾಸ್ತ್ರನಿ ಫೋಣಿಸ್ ಅನಾಬಿ ಗಲತ್ ಮತ್ಲಬ್‌ದೀನ್ ಇವ್ಲಿ ನಾಶ್‌ನ ಇವ್ಲೆಸ್ ಲೀಲೆಸ್.

17 ಇನಖ್ವಾಜೆಸ್ ಪ್ಯಾರ್‌ನ ದೋಸ್ತಿವೊ, ಆ ಖ್ವಾರಿ ವಾತೆನ ಪಹಿಲೆಸ್ ಮಾಲುಮ್‌ಕರಲಿದತೆ ಇನಾಖ್ವಾಜೆ ತುಮೆ ಜತನ್‌ಥಿ ರ್ದ್ಲೆವೊ. ಖರಾಬ್ ಅದ್ವಿನಿ ಖರಾಬ್ ಬೋದನೆಮ ಮಂಕ್‌ನಕೊ ಹುಯಿಜಾವೊ. ತುಮಾರಿ ಘಟ್ ವಿಶ್ವಾಸ್‌ಮಾಥು ಪಡ್ವನಾತೆ ಹೊಷಾರ್‌ರ್ದ್ಲೆವೊ.

18 ಅಪ್ಲೊ ಪ್ರಭುಬಿ ರಕ್ಷಕಬಿ ಹುಯಿರ್ದ್ಲೆತೆ ಯೇಸು ಕ್ರಿಸ್ತನಿ ಬಾರೇಮಾನು ವಾರ್‌ಖ್ವಾಮಾಬಿ ಗ್ಯಾನ್‌ಮಾಬಿ ತುಮೆ ಭಡ್ವಾಜಾವೊ, ಇನ ಹಮ್ಮೇಬಿ ಜಗ್‌ಜಮಾನಲಗೊಬಿ ಮಹಿಮೆ ಹುವಾದೆ! ಆಮೆನ್.

ದೇವ್ವಿ ಖ್ವಾಚಿ ವಚನ್
The New Testament in the Vaagri Booli language of
India: ದೇವ್ವಿ ಖ್ವಾಚಿ ವಚನ್ (Bible)

copyright © 2023 The Word for the World International

Language: (Vaagri Booli)

Contributor: The Word for the World International

ದೇವ್ವಿ ಖ್ವಾಚಿ ವಚನ್
ವಿ ಒಪ್ಪಂದಾನ, 2023

The New Testament in Waghri Vathe Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-09

PDF generated using Haiola and XeLaTeX on 9 Jul 2025 from source files dated 9 Jul 2025

c0e4b622-a4d7-5e71-865e-40f2bf35bd06